

## AUGLÝSING

### um samning um kaup á bandarískum landbúnaðarvörum.

Hinn 30. desember 1964, voru gerðir tveir samningar milli ríkisstjórna Bandaríkjanna og Íslands um kaup á bandarískum landbúnaðarvörum. Samningana undirrituðu James K. Penfield, sendiherra Bandaríkjanna, og Guðmundur Í. Guðmundsson, utanríkisráðherra.

Samningarnir, sem gilda fyrir árið 1965, gera ráð fyrir kaupum á hveiti, maís, byggi, tóbaki, hrisgrjónum, sojabauna- og bómullarfræsolíum.

Annar samningurinn er að fjárhæð 39 milljónir króna og hinn að fjárhæð 56 milljónir króna. Gera má ráð fyrir, að 75% af andvirði þeirra gangi til lánveitinga vegna innlendra framkvæmda. Endurgreiðslur slíkra lána færu fram á um 20 ára tímabili, í krónum samkvæmt fyrrnefnda samningnum, en í dollurum samkvæmt þeim síðarnefnda.

Þetta er hér með gert almenningi kunnugt.

*Utanríkisráðuneytið, 31. desember 1964.*

**Guðm. Í. Guðmundsson.**

*Agnar Kl. Jónsson.*

## AUGLÝSING

### um gildandi samninga Íslands við önnur ríki hinn 31. desember 1964.

Sem fylgiskjal með auglýsingu þessari er birt skrá um samninga Íslands við önnur ríki hinn 31. desember 1964.

Númer samninganna og blaðsíðutal á við heildarútgáfu utanríkisráðuneytisins á samningum Íslands við önnur ríki, I. bindi Alþjóðasamningar og samningar við fleiri ríki en eitt, II. bindi Samningar við einstök ríki. Auk þess er vitnað í C-deild Stjórnartíðinda.

Einnig fylgir auglýsingu þessari skrá yfir heiti samninganna á ensku.

Þetta er hér með gert almenningi kunnugt.

*Utanríkisráðuneytið, 31. desember 1964.*

**Guðm. Í. Guðmundsson.**

*Agnar Kl. Jónsson.*